

Bosna i Hercegovina
Federacija Bosne i Hercegovine
TUZLANSKI KANTON

KANTONALNI SUD U TUZLI

Broj: 003-0-Su-20-000 792-1

Datum, 30. septembar 2021. godine

Na osnovu člana 31. stav 1. a u vezi sa članovima 73. stav 2. i 75. stav 3. Zakona o državnoj službi u Tuzlanskom kantonu („Službene novine Tuzlanskog kantona“ broj 07/17, 10/17, 10/18, 14/18 i 8/21), predsjednik Kantonalnog suda u Tuzli **d o n o s i**

O D L U K U
poništenju javnog oglasa

I

Poništava se javni oglas za popunu na neodređeno vrijeme upražnjenog radnog mjesta referent na poslovima unutrašnjeg i vanjskog osiguranja objekta broj: 003-0-Su-20-000 729 od 19. jula 2021. godine objavljenog u dnevnim novinama „Dnevni avaz“ dana 07. i 08. avgusta 2021. godine i službenoj internet stranici Kantonalnog suda u Tuzli dana 06.08.2021. godine.

II

Nakon objave ove odluke na službenoj internet stranici ovog suda i dostave kandidatima koji su podnijeli prijave, raspisat će se ponovno javni oglas za popunu na neodređeno vrijeme upražnjenog radnog mjesta referent na poslovima unutrašnjeg i vanjskog osiguranja objekta.

O b r a z l o ž e n j e

Prema Pravilniku o unutrašnjoj organizaciji Kantonalnog suda u Tuzli upražnjeno je radno mjesto – referent na poslovima unutrašnjeg i vanjskog osiguranja, radi čega je Kantonalni sud u Tuzli tražio od Vlade Tuzlanskog kantona saglasnost za popunu tog upražnjenog radnog mjesta koje je ostalo upražnjeno zbog odlaska u penziju Balvanović Mevludina.

Vlada Tuzlanskog kantona donijela je odluku pod brojem 02/1-30-4448/21 od 01.04.2021. godine kojom daje saglasnost Kantonalnom sudu u Tuzli za prijem jednog namještenika - referenta na poslovima unutrašnjeg i vanjskog osiguranja.

U skladu sa odredbom člana 72. i 73. Zakona o državnoj službi u Tuzlanskom kantonu raspisan je Interni oglas za popunu upražnjenog radnog mjesta koji je objavljen na oglasnoj ploči suda dana 09.06.2021. godine i istog dana dostavljen državnim organima na području Tuzlanskog kantona, kako bi kandidati mogli u roku od 8 dana podnijeti prijave na navedeni oglas. Kako se popuna upražnjenog radnog mjesta nije mogla izvršiti putem internog oglasa, raspisan je javni oglas koji je dana 07. i 08. avgusta 2021. godine objavljen u

„Dnevnom avazu“, a dana 06.08.2021. godine na službenoj internet stranici ovog suda.

Tekstom Javnog oglasa je utvrđeno da kandidati moraju podnijeti sljedeće dokumente, u originalu ili ovjerenoj foto – kopiji:

- Prijavu na oglas;
- Uvjerenje o državljanstvu (ne starije od 6 mjeseci);
- Izvod iz matične knjige rođenih;
- Svjedočanstvo ili diplomu o vrsti i stepenu školske spreme;
- Izjavu ovjerenu od nadležnog organa kojom se potvrđuje da u posljednje dvije godine od dana objavljivanja javnog oglasa kandidat nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini;
- Izjavu ovjerenu od nadležnog organa da kandidat nije obuhvaćen odredbom člana IX stav 1. Ustava Bosne i Hercegovine;

Prilikom provođenja konkursne procedure, Komisija za provođenje javnog oglasa nije utvrdila listu kandidata koji ispunjavaju uslove javnog oglasa iz razloga što je utvrdila da je Pravilnikom o unutrašnjoj organizaciji ovog suda za obavljanje poslova referenta unutrašnjeg i vanjskog osiguranja objekta potreban radni staž od 6 mjeseci, a da se tekstom Javnog oglasa ne traži dostavljanje Potvrde o radnom stažu kao dokaza o ispunjavanju traženog uslova pa imajući u vidu uočeni formalni nedostatak u tekstu javnog oglasa, predložila predsjedniku suda poništavanje javnog oglasa.

Imajući u vidu naprijed navedeno, na osnovu člana 73. stav 2. Zakona o državnoj službi u Tuzlanskom kantonu kojim je propisano da rukovodilac organa državne službe može donijeti odluku o poništenju internog oglasa najkasnije do trenutka kada komisija iz stava (1) ovog člana ne utvrdi listu kandidata koji ispunjavaju uslove internog oglasa, i člana 75. stav 3. istog zakona da kojim je propisano da se provođenje javnog oglasa vrši na način propisan u članu 73. ovog zakona, predsjednik suda je odlučio kao u dispozitivu ovog rješenja.

DOSTAVLJENO:

1. Kandidatima koji su podnijeli prijave
2. Su Arhivu

PREDSJEDNIK SUDA

Indira Hadžimehmedović

